



Տ. ԱՌԱՔԵԼ ՎԱՐԴԱՊԵՏ ՔԱՐԱՄՅԱՆ

Ծնվել է 1963 թ. հուլիսի 20-ին Մարտունու շրջանի Երանոս գյուղում:
1969—1979 թթ. սովորել և սովարտել է տեղի Պերճ Պողոսյանի անվան
միջնակարգ դպրոցը:

1979—80 ուս. տարում սովորել է Երևանի Խաչատուր Աբովյանի ան-
վան մանկավարժական ինստիտուտի բանասիրական մասնաճյուղում, ապա,
1980 թ., ընդունվել է Էջմիածնի հոգևոր ճեմարան և համալուել 1985 թ.
հեռակա կարգով սովարտել մանկավարժական ինստիտուտը:

1982—84 թթ. ծառայել է Խորհրդային բանակում, որից հետո նորից
ուսումը շարունակել է հոգևոր ճեմարանում: 1988 թ. մայիսի 12-ին, ձեռամբ
Տ. Հուսիկ արքեպս. Սանթրոքյանի, ձեռնադրվել է սարկավագ և նշանակվել
«Ալեք և Մարի Մանուկյան Գանձատան» տնօրեն:

1989 թ. մարտի 15-ին պաշտպանել է սովարտաճառ՝ Եփրեմ Սսեցի Աջա-
պահյան կաթողիկոսի «Մեկնութիւն Յովնանու մարգարէի» թեմայով և ար-
ժանացել «լավ» գնահատականի:

1989 թ. հունիսի 11-ին, ձեռամբ Տ. Ներսես արքեպս. Պոզապալյանի,
ձեռնադրվել է կուսակրոն քահանա:

1989 թ. օգոստոսի 25-ից նշանակվել է Սիսիանի Ա. Հովհաննես եկե-
ղեցու հոգևոր հովիվ:

1992 թ. Ամենայն Հայոց կաթողիկոս Տ. Տ. Վազգեն Ա-ի կողմից նշա-
նակվել է Սյունաց թեմի փոխառաջնորդ՝ Գորիս քաղաքում:

1993 թ. ապրիլի 3-ից նշանակվել է Արարատյան հայրապետական թե-
մում որպես առաջնորդական փոխանորդի օգնական և Սևանի սվազանի
հոգևոր տեսուչ:

1994 թ. հունիսի 3-ին պաշտպանել է իր վարդապետական թեզը՝ Առա-
քել Սյունեցու «Ամենայն չար տանջելի է» թեմայով: